

ডিভি আবেদনকারীদের প্রয়োজনীয় যোগ্যতা থাকা আবশ্যিক

ওয়াশিংটন, ৯ই অক্টোবর -- যুক্তরাষ্ট্রের পররাষ্ট্র দফতর 'ডাইভারসিটি ইমিগ্র্যান্ট ভিসা' কর্মসূচির আওতায় কম্পিউটারের মাধ্যমে দৈবচয়ন পদ্ধতিতে প্রতিবছর লটারির আয়োজন করে থাকে। এর ফলে আবেদনকারীদের মধ্য হতে নির্বাচিত ৫০,০০০ ব্যক্তি ভিসার জন্য আবেদন করতে পারেন। ২০০৯ সালের কর্মসূচির জন্য এই লটারিতে (ডিভি ২০০৯) নিবন্ধনের সময় এবছর (২০০৭) ৩রা অক্টোবর হতে ২রা ডিসেম্বর পর্যন্ত।

পররাষ্ট্র দফতর জানায়, লটারিতে নিবন্ধন-ইচ্ছুক ব্যক্তিদের জানা দরকার যে, এটি তাদের জন্যই প্রযোজ্য যারা কয়েকটি "সহজ, কিন্তু কঠোর প্রয়োজনীয় যোগ্যতা"-র শর্ত পূরণ করতে পারবেন।

লটারিতে কারো নাম নির্বাচিত হলেই তা স্বয়ংক্রিয়ভাবে নিশ্চয়তা দেয় না যে তাকে ডিভি ভিসা ইস্যু করা হবে। এই লটারি ভিসা আবেদন প্রক্রিয়ায় প্রথম পদক্ষেপ মাত্র।

ডিভি লটারিতে নির্বাচিত ব্যক্তিদের মধ্যে যারা ভিসার জন্য আবেদন করবেন তাদের অবশ্যই নির্দিষ্ট শিক্ষাগত যোগ্যতা অথবা প্রয়োজনীয় কাজের অভিজ্ঞতা থাকতে হবে; অর্থাৎ তাকে উচ্চ মাধ্যমিক অথবা সমমানের পরীক্ষায় উত্তীর্ণ হতে হবে, অথবা তার যথোপযুক্ত কাজের দুই বছরের অভিজ্ঞতা থাকতে হবে। এসব প্রয়োজনীয়তার বিষয়ে ডিভি ২০০৯ এর নির্দেশাবলিতে বিস্তারিতভাবে উল্লেখ করা হয়েছে।

পররাষ্ট্র দফতরের ভিসা লটারি সম্পর্কিত ২৫শে সেপ্টেম্বরের ঘোষণায় বলা হয়েছে, "যদি আপনি এসব প্রয়োজনীয়তা পূরণ করতে না পারেন, তাহলে ডিভি কর্মসূচিতে আপনার অংশগ্রহণ করা উচিত না।

ডিভি-২০০৯ এর লটারিতে নিবন্ধনের জন্য আবেদনপত্র গ্রহণ করা হবে 'ইস্টার্ন ডেলাইট টাইম' (ইডিটি) (১৬০০ জিএমটি), বুধবার, ৩রা অক্টোবর, ২০০৭ দুপুর ১২টা (বাংলাদেশ সময় রাত দশটা) থেকে 'ইস্টার্ন স্ট্যান্ডার্ড টাইম' (ইএসটি) (১৭০০ জিএমটি), রোববার, ২রা ডিসেম্বর, ২০০৭ দুপুর বারোটা (বাংলাদেশ সময় রাত এগারোটা) পর্যন্ত। ডিভি-২০০৯ এর নির্দেশাবলি মোতাবেক এই সময়ের পর আর কোন আবেদনপত্র গ্রহণ করা হবে না। এ সম্পর্কিত নিবন্ধের জন্য

<http://usinfo.state.gov/xarchives/display.html?p=washfile-english&y=2007&m=September&x=20070926162644xlrennef0.2379724>)

ওয়েবসাইট দেখুন।

ডিভি লটারিতে অংশগ্রহণের জন্য কোন প্রকার ‘ফি’ লাগে না। তবে, ভিসা আবেদন প্রক্রিয়ায় বাধ্যতামূলক ফি প্রদানের নিয়ম রয়েছে এবং এসব ‘ফি’ ভিসা আবেদনের সময় দুতাবাস অথবা কনসুলেট অফিসের কনসুলার ক্যাশিয়ারের কাছে সরাসরি জমা দিতে হয়।

ডিভি ২০০৯ নির্দেশাবলিতে নিবন্ধন-ইচ্ছুক ব্যক্তিদের “শুরুর দিকেই লটারিতে অংশগ্রহণের জন্য প্রবলভাবে উৎসাহিত করা হয়েছে। অত্যধিক চাহিদার কারণে নিবন্ধন মেয়াদের শেষের দিকে (কম্পিউটার) পদ্ধতিতে ধীর গতি দেখা দিতে পারে। ২রা ডিসেম্বর ২০০৭, রোববার, ইএসটি (১৭০০ জিএমটি) দুপুর ১২টার পর কোনপ্রকার আবেদন গ্রহণ করা হবে না।”

আবেদনকারীকে অনলাইন লটারি নিবন্ধন প্রক্রিয়া অত্যন্ত সতর্কতার সঙ্গে পূরণ করতে হবে। আবেদনকারীরা প্রায়শই অসতর্কতাজনিত ভুল করে থাকে, যেজন্য প্রাথমিক লটারিতে নির্বাচিত হওয়া সত্ত্বেও পরবর্তীতে তাদের আবেদন বাতিল হয়ে যেতে পারে। তাই নিবন্ধনের পূর্বে নির্দেশাবলি তাদের আগাগোড়া পড়ে নেয়া উচিত। কিছু সাধারণ ভুলের মধ্যে রয়েছে, তারা তাদের স্ত্রী কিংবা স্বামীর নাম এবং সন্তানদের নাম মূল আবেদনে এন্ট্রি করেন না অথবা নিজ দেশ (নেটিভ কান্ট্রি) হিসেবে ভুল করে অন্য দেশের নাম লিখে থাকেন। এসব ভুলের জন্য ভিসা সাক্ষাৎকারের সময় আবেদনকারী অযোগ্য (disqualify) বিবেচিত হবেন।

২০০৯ সালের ডিভি ইমিগ্র্যান্ট কর্মসূচির আওতায় ভিসা লটারিতে যেসব নির্বাচিতদের নাম “পুনরায় বিবেচনার জন্য” নিবন্ধন করা হবে, উইলিয়ামস্‌বার্গ এর কেন্টাকিতে অবস্থিত পররাষ্ট্র দফতরের অধীনস্থ কেন্টাকি কনসুলার সেন্টার তাদের চিঠি দিয়ে জানাবে। এসব নির্বাচিত আবেদনকারীদের ২০০৮ সালের মে থেকে জুলাই মাসের মধ্যে ডাকযোগে (ই-মেইলযোগে নয়) জানানো হবে।

লটারিতে নির্বাচিতরা ডিভি ২০০৯ এর ভিসা আবেদন প্রক্রিয়ায় পরবর্তী পদক্ষেপের জন্য নির্দেশাবলি সংবলিত চিঠি পাবেন, যা ২০০৮ এর ১লা অক্টোবর থেকে ২০০৯ এর ৩০শে সেপ্টেম্বরের মধ্যে ইস্যু করা হবে।

ভিসা নির্দেশাবলির মধ্যে থাকবে যুক্তরাষ্ট্রে ইমিগ্রেশন আবেদনের জন্য ফি সংক্রান্ত তথ্য। ভিসা আবেদন ফি পরিশোধ করলেই ডাইভারসিটি ভিসা ইস্যু করার নিশ্চয়তা দেয়া হয় না। যোগ্যতার ভিত্তিতে ভিসা আবেদনকারীদের নির্বাচিত করা হয়।

সাক্ষাৎকার প্রস্তুতির জন্য যে কোন ধরনের পরিশোধিত ফি অথবা খরচ, যেমন স্বাস্থ্য পরীক্ষা বাবদ খরচ, অফেরতযোগ্য। যুক্তরাষ্ট্রে অভিবাসনের ক্ষেত্রে নিম্নহারাে রয়েছে এ ধরনের দেশসমূহের ব্যক্তিদের জন্য ডাইভারসিটি ভিসা প্রযোজ্য। এসব দেশের নাম ডিভি-২০০৯ এর নির্দেশাবলিতে রয়েছে।

সকল আবেদনকারীকে “সাবমিট” বোতামে চাপ দেবার পূর্বে ষথার্থতার স্বার্থে অনলাইন আবেদনে প্রদত্ত তাদের ব্যক্তিগত তথ্যসমূহ, বিশেষ করে ডাক যোগাযোগের ঠিকানা, পর্যালোচনা করে দেখতে ঢাকাস্থ যুক্তরাষ্ট্র দূতাবাস জোরালোভাবে পরামর্শ দিচ্ছে।

নিজের এন্ট্রি নিজে পূরণ করুন, আপনার কোন বিশ্বস্ত বন্ধু বা আত্মীয় আপনাকে সাহায্য করুক, অথবা অর্থের বিনিময়ে কোন পেশাদার ব্যক্তি আপনাকে সাহায্য করুক -- যেটিই হোক না কেন, “সাবমিট” বোতামটি নিজ হাতে চাপার মাধ্যমে প্রতারণার হাত থেকে আপনি রক্ষা পেতে পারেন।

আরো তথ্যের জন্য, ডিভি-২০০৯ ডাইভারসিটি ভিসা লটারি নির্দেশাবলি জানতে (http://travel.state.gov/visa/immigrants/types/types_1318.html), এন্ট্রি ফর্ম এর জন্য (<http://www.dvlottery.state.gov/>), এবং ডিভি কর্মসূচি সংক্রান্ত ভূয়া ওয়েবসাইট সম্পর্কে সতর্কতা বাণীর জন্য (http://travel.state.gov/visa/immigrants/types/types_1749.html) ওয়েবসাইটগুলো দেখুন।

যুক্তরাষ্ট্রের অভিবাসন নীতি সম্পর্কে অতিরিক্ত তথ্যের জন্য ‘ভিসা এবং ইমিগ্রেশন’ সম্পর্কিত (http://usinfo.state.gov/gi/global_issues/immigration.html) ওয়েবসাইট দেখুন।

=====

** (ইউএসইনফো যুক্তরাষ্ট্র পররাষ্ট্র দফতরের ব্যুরো অব ইন্টারন্যাশনাল ইনফরমেশন প্রোগ্রামস-এর একটি প্রকাশনা।
ওয়েবসাইট: <http://usinfo.state.gov>)*

জিআর/ ২০০৭

দ্রষ্টব্য: এই নিবন্ধের ইংরেজি ভাষা ‘আমেরিকান সেন্টার’-এ পাওয়া যাবে। যদি আপনি ইংরেজি ভাষাটি পেতে আগ্রহী হন, তবে ‘আমেরিকান সেন্টার’-এর প্রেস সেকশনে (টেলিফোন: ৮৮৩৭১৫০-৪, ফ্যাক্স: ৯৮৮৫৬৮৮; ই-মেইল: DhakaPA@state.gov এবং ওয়েবসাইট: dhaka.usembassy.gov) যোগাযোগ করুন।